

С у д л у с н

Унъг-йозурт, бичүрт,
Унсн хагсу хамтхаснд
Суудр тусдг газрт,
Шургъад модн заагар,
Санамр төвшүн кевәр
Судл усн гүүнә.

Серүтрсн сәәхн тагчгт
Шурджнънсн усна аялә,
Савгър моддин тууджнь
Соньнари дүүрч асхрна.

Цагъан модн лууд
Цокгддж энд унад,
Тагт болдж сунад,
Тавари кесгт кевтә.
Усна чолун деер
Ургъмл сәәхрдж үзгднә.
Усн цегән, цевр,
Урсхлднь хамтхасн оомнә.
Йоралднь терүнә сүүдр
Йир төвшүнәр тошна.

Кезәнә мана меддг,
Келгддж туульд ордг
Киитн булг гидж
Келдж болхм энүг.
Тедү дүнъгә усн
Киитн болн цегән.

Уснас нег балгъ
Уудж үзчкәд халунд:
Тууль—үнн гидж
Талн келхти ил.
Амнь тасрсн күүг
Амрулм эн сәәхн.

Эн киитн уснас
Эклцән авдг булгнь
Энүнәс холчн болг,
Болв эн усн,
Буугъад уусн күүнд
Белгддж чидл немх.

Тарас ПЕТРЕНКО.